

PAULE TRIGON.

Honorabilissimi & Amplissimi Domini
Prætoris Regii, sive Majoris,

Nobilissimæ & Florentissimæ Reipublicæ
Londinensis,

RICHARDI FENN,

sub finem Anni CHRISTI 1637.



Dedicatorium.

Interrupta redit sollemnis Pompa diei,
Illa Magistratus Sparta decusque pii:
Ne spernas tenuis, Prætor Venerande, Camænas,
Dum vovet auspiciis prospera quisque tuis.
Hæc dies cum tuæ ioc gaudia corde ministras,
Tortus est anxi sed labor ille gravis,

Ex Chalcographia Thomæ Harperi.

**Amplissimo et Prudentissimo Domino Prætori,
Senatui, Populoq; Londinensi.**

Inter celebres Respublicas, quæ hætenus apud sapientiores Gentes, tam sacras, quam profanas, bono ordine et laudabili disciplinâ excelluerunt, florentissima Vestra Londinensis jure principem locum meretur. Forma enim illius administrandæ in tam populosa Urbe, (censuribus vel ipse Platone & Bodino,) omnibus numeris absoluta, elegantem celestis machina harmoniam et concinnam humani corporis fabricam, ad vivum ferè representat. In ea equidem (ut nihil referam de imperio totius Orbis terrarum celeberrimo,) omnia et singula, summa mediis, media imis, invicem aptè disposita, probè ordinata, et subalterne mutuo officiorum nexu quasi concatenata sunt, ut faciliè vel uno intuitu quæquæ in sui admirationem et desiderium trahant. Vnde metropolis Vestra non immerito Britanniarum Epitome et Microcosmus multis appellatur. Ad hæc insuper sincera salutaris verbi Dei prædicationis, decensquæ in Magistratum observantia, Urbem Vestram Christi Throno acceptiorem et cæteris Nationibus illustriorem reddit, ut non sine causa in tanta copia rerum cum Regio Psaltes Vobis accinere ausim:

Psal. 144. v. 15 Beatus populus, cui hæc sunt. Non ingratus itaque Civitatis Vestra hospes, quantum per aliquot annos experientiâ assequi licuit, à Forma regiminis Rempublicam, rudi (ut ajunt) Minervâ, adumbratam, et veluti in tabella depictam, pro beneficijs, debiti reddo stimuli loco, Vobis offero, ut in posterum constaret peregrinis Academijs lustrantibus, et potissimum ad Panegyris Vestram majori numero confluentibus, quas obcuras et labores Capiti Magistratus, in ipso ingressu, à reliquis illius membris tantus honor infundatur. Sin minus aliquid ex voto præstiterim, sufficiat mihi primo raram glaciem in refluxu Tamesi frangere, aut saltem Academicis Vestris, Urbe hæc oriundis, ad meliores Patria conatus in Poëtico studio facem præferre.

D E V S ter Opt. Max. Britannici Imperij et hujus Reipublica Stator, Serenissimum Regem CAROLVM cum Regina et prole Regiâ, Vniuersos Regni Proceres, Clerum, et Vos omnes, tot diversa Regalis Urbis fulcra, in auren pace et integritate cordis, salves et florentes diu conservet. Calendis Ianuarij, Anno Domini, 1638.

Reipublicæ Vestræ

Observantissimus clienti

IOH. SICTOR, Bohemus.

Panegyricon Londino-Britannicum.

P Laude Britannorum celebris Respublica Regni,
Regalis Camerae Sedes ditissima portu,
Deliciae Regis, Procerum, Populique Potentis,
Quem Natura parens tripatenti dividit Orbe,
Oceani refluxis tutatur et insula lymphis.

Vertitur assiduò revolubilis annulus anni,
Tempore quo redeunt solemnia festa dici,
Luce sacrâ Genti, veteri de more receptâ.

Scilicet Oâobris bis deno et Sole noveno,
(Si modò non casus consvetis moribus obfit,
Aut Domini memoranda dies tot plausibus obftet,)

Quàm primùm roseis surgens aurora quadrigis
Albionis magnam radijsq; illuminat Urbem,
Phœbus et oppositas illustrat lampade terras,
Vndiq; campanæ resonant in turribus altis,
Cum lituisq; tubæ passim clangore resulant.
Spectatum plebs tota ruit, repletq; plateas,
Agminibus numerosa viris, nemorosa puellis.
Non minùs exultat Tamesis spumantibus undis,
Impatiens tot ferre rates cymbasq; volantes,
Evocat ad Socias spectandum quenq; cohortes.

Quippe triumphali vexillis more solutus
Itur in occiduam, jus in qua dicitur, aulam,
Vt juramentum præstetur corde fideli.

Interea dum Consul abest, totusque Senatus,
Tot Sociæque Tribus, Capiti cæu membra ministræ,
Aut etiam in reditu convivia læta celebrant,
Ne quid turbarum populosa oriatur in Vrbe,
Pegmata gestantur variis cælata figuris,
Grataque demulcent hominum spectacula mentes,
Quæis tum spectandis pascuntur lumina vulgi.

Fortè peregrinus qui sis hâc Vrbe requiris,
Quid sibi Pompa velit tam magni conscia plausus?

Annua Prætoris renovatur Sparta Supremi,
Cui decus Europæ, præsentis gloria sæcli,
Ille Britannorum Magnus Rex atque Monarcha,
CAROLUS, Augustam committit Legibus Urbem,
Mercibus innumeris, opibus, populoque refertam.

Hinc præfertur ei cum sceptro Regius ensis,
Vt benè iusticiam cuivis ex jure ministret,
Fascibus & dignos vigilans tueatur honores.
Ardua res agitur magnâ ratione regenda!
Vnius est tantum solemnis Pompa diei;
Sed variis curis vix sufficit integer annus.

*Dominus
Prætor,*

Prætor in Vrbe gravis sceptro gladioque verendus
Emicat auspiciis ad tanti culmen honoris:
Sic splendore capit concessam Cynthia lucem.

*Senatores
26.*

Alpha Senatorum viginti quinque suorum
Omnia dispensat prudenti mente gerenda,

Gri-

Crimina condemnat cum Iudicibusque duobus,
(Nū modò sit major scelerato in crimine pœna,)
Quæ dirimit prudens Vir Syndicus, arbiter æqui,
Iustitiæ Præses, cultor Themidosque sacratæ.

Bis tredecim siquidem regiones Urbis habentur,
In quavis harum, veluti bonus ordo requirit,
Quisque Senatorum dextram gerit usque; fidelem
Cum digitis totidem, quot quæque; Ecclesia præbet,
Quarum sunt centum viginti tresque; frequentes
Ædibus, & templis nitidæ, populoque; repletæ.
Sic capitur candens oblongâ forcipe ferrum:
Sic vitia & cædes subito tolluntur ad unguem.

Non secus ac Titan duodena perambulat astra
Continuis vicibus; totidem sunt Vrbe cohortes,
Et pelago & terris celebres, notæque; phalanges,
Ornamenta, Tribus Patriæ, Gentisque Togatæ.

Cuiuslibet est Tribui præstans gravitate Magister,
Collegæque; pares Sociali ex agmine lecti,
Consortesque alii sociis assistere curis:
Custodes aliâs Assistentesque vocantur.
Hos si quis videat, poterit spectare Senatum
Ordinæ, Consilio, disciplinæque probatum,
Vnde Magistratus serie decernitur omnis.

Non refero reliquas, quæ sunt in corpore, gemmas,
Nobile cor Regni Proceres, Civesque fideles

*Vice-Comi-
tes 2.*

*Syndicus Ju-
ris Consultus,
Urbis Consi-
liarius, &
Iudex in cri-
minalibus,
Deputati Se-
natorum.
Constabula-
rii.*

*Primaria So-
cietates 12,
ex quibus so-
lis sunt an-
nui Praetores*

Magister.

Guardiani

Assistentes.

Obsequio Regis, quæis Nobilitatis honores
Contulit ipse favor, Magnorum et gratia Regum,
Qui sua dant Socijs percrebrò Nomina turbis,
Non secus ac ipsi radiant has Lumine Reges.
Tantus amor Populi, dilectæ et gloria Gentis !

Cujq; Suum decus est, et quò quis cultior arte,
Et virtute suâ, Civis præstantior audit,
Et cum divitijs magno cumulatur honore.

Sunt quoq; præterea Tribuum tot in Vrbe cohortes,
Quas Socialis amor Fraternali Fædere jungit.

*Secundæ So-
cietates 10 pro
transmarinis ne-
gociationibus.*

Harum namq; decem sunt fulcra secunda priorum,
Quæis patet Oceano terrarum pervius Orbis :

Pars Boream versus Gedanum, Russosq; frequentat,
Dives et Hamburgum, Belgas et Marte potentes :
Pars alia Europæ dices Asiæq; per oras
Commutat merces Italis, Gallis et Iberis,
Germanis, Turcis, cum Perside promovet Afros :
Pars reliqua ulterius geminos excurrit ad Indos,
Educatq; novos in tot nova regna colonos.

*Inferioris condi-
tionis Societates
50 Mercatorum
et opificum.*

Quinquaginta aliæ sunt deinde tribusq; togatæ,
Tot Mercatorum variæ Collegia sortis,
Artificumquæ duces numerosâ ex plebe catervæ
Ceu latus extremum claudentes civibus agmen,
De locuplete penu quæis fundit copia cornu.
Sive peras merces, textosquæ ex vellere pannos,

Sericeas

Sericeas vestes, Tyrioque colore micantes,
Aut alio quocunque velis, gemmasque nitentes,
Aut ebur, aut lapides, vel quodvis nobile lignum,
Vasaque de vario pulchre confecta metallo,
Talibus Vrbs intra passim decoratur et extra,
Artificum cura, et studio, vigilique labore;
Seu quoque nota domi poscas sacra dona culinæ
Quadrupedum, volucrumque dapes, et farris opimi,
Et varios fructus, lautæ et bellaria mensæ,
Vel tot aromaticas, olei vini que tabernas,
Aut herbas hominum vires reparare valentes,
Innumeris ratibus, plaustis terraque marique,
Materias rerum totus tibi suggerit Orbis,
Quæis Urbem ditat decuplo cum fænore linum.

Fors etiam quæres, cur gestet quisque cucullum,
Assutumque togæ à læva, tergoque revinctum?
Totius emporium celebre est Trinobantias Orbis.
Omnes namque ferè, quot habet Respublica Cives,
Sunt Mercatores Sociali fædere juncti,
Cum quibus exercent variæ commercia Gentes.
Mercibus augendis est sola pecunia nervus,
Contractusque decens, et permutatio iusta.
Dirigit ergo prius cujus prudentia mentem,
Quomodo quæque suo merx sit tractanda valore,
Pondere, mensurâ, numero, bonitate probatâ.

Pone

Pone dehinc nummos in promptu dextra ministrat :
Nec facile est falli, quia sunt satis arte probati,
Pythagoræ & mensam digitis versare scientes.

Omnibus his extant trabeatis artubus aula,
Hic ubi conveniunt, peragunt & commoda rerum,
Et positis curis quandoque epulantur amicè.

Has omnes geniti peravito Sanguine Reges
Iuribus ornârunt & Libertatibus ipsis,
Non minùs in clypeo certis insignibus, armis.

*Commune
Consilium.*

Si verò gravibus premitur Respublica curis,
Cogitur ex variis selectum Civibus agmen,
Consilium commune vocant ex Vrbe coactum :
Sic benè cum nervis coeunt in corpore membra.

Omnibus his superest Prætor Regalis asylum,
Et tutela decens Patriæ sub Rege Potenti.

Quilibet ut proprias habitet tutissimus ædes,
Cuique suum tribuens sine noxa & vivat honestè.

Quòd si fortè furat plebs seditione coortâ,
Protinùs ille potest præsens sedare tumultus,
Armataque manu tantos componere motus :
Civibus ex lectis alacris cui militat ordo,
Millia sex quorum sunt ferre sat arma parati.

Et quid in Oceano possit conferre Tributi
Cum Sociis Tribubus, reliquis & Civibus Urbis
Ad placitum Magni jussumque hoc tempore Regis,

Hoc

Hoc experta probat perabundè Regia classis,
Pro defendendo constantè in æquore Regno:
Dimidium Regni potis Vrbs æquare Britanni.

Ne taceam reliquos Prætoris in Vrbe Togatos,
Officiis certis Domino servire paratos,
Præfectum Cameræ magnâ gravitate verendum,
Iuridicum insignem, Patriæ Legisquè peritum,
Et qui consignat Tabulis decreta Senatûs,
Et qui scrutinio cædes dignoscit iniquas,
Et qui præficitur Tamefino in flumine Ponti,
Quiquè notant scriptis causas in jure clientum,
Expediuntquè graves civili turbine lites,
Sub quibus est ingens scribarum turba minorum
Tot manibus calamos agitare sacramquè papyrus.

Non secûs atquè domûs omnes illius alumnos,
Servitiis promptos plusquam triginta ministros,
Armigeros quatuor fidei candore probatos.
Ensifer ipse præit Prætori & dirigit aulam:
Hospitibus gratus venatu est alter Achates:
Sceptriger ad populum proclamat iussû Senatûs:
In Tamefi quartus vigilans est Præses aquarum.

Hos alii comites rectâ statione sequuntur
Obsequiis alacres, mensæ inservire frequenti,
Convivis præbere dapes, haustusquè decentes,
Quèis sit plena domus toto Prætoris in anno,

*Officiarii
D. Prætoris.*

Camerarius.

Procurator.

Secretarius.

Coronator.

Præf. Pontis.

Notarii 4.

*Causidici va-
rii & scriba.*

Ensifer.

*Magister
venationum.*

Facialis.

*Inspector
Tamefis.*

B

Aula

ViceComitū Aula Duūmq; Virūm, Sociūm, comitūque suorum,
Iudices 2 Quorum Iudicibus constar quoque Curia binis,
Advocati et Causidicisquē aliis, variaz sortisquē ministris.
officiarij.

Collegium Non minūs in gremio recubat Rectoris Apollo,
Greshamſe. Greshami Sacris addictus in Vrbe Deabus,
Basilica Omnigenisquē patens tot Mercatoribus aula,
Mercato. Civibus ingenuis decus, et commune theatrum,
rum. Hic ubi firmantur contractus ordine iusto.

Non refero, quò se ruri diplomate Regum
Longiùs extendat Prætoria jure potestas :
Id probeat Urbanæ vicinus terminus oræ.
Sit satis Augustam describere cortice Nympham:
Et parit egregios Generosa Britannia vates.

Collegium
Sioni.

Interea proprio benedicat I O V A Sioni,
Qui Pietate sonat Christi inter mœnia laudes,
Gaudeat ut solitis florens Vrbs sæpè triumphis.

Dum capit ergo graves Prætor Torquatus habenas,
Cum gladio et sceptrum Regali laude decorum,
Atque Magistratum curarum mole repletum,
Quisquē die festâ defert huic gratus honorem,
Præstat et officium venientem lætus in annum.

In reditu quâvis Tribuum præeunte catervâ,
Inter tot lituos, spectacula, juba, plausus,
Primus equo vehitur candente Vicarius ille
Spectanti Populo Spectandus purpurâ et ostro,

Ordo

Ordo Senatorum sequitur quem passibus æquis,
Purpureisque togis, totidem binisque caballis
Hospitibus reducem Patriam deducit in aulam.
Curia magna patet, sublimibus alta columnis,
Tegmine fidereos imitans laquearibus arcus,
Consilio ampla Domus, Tribubus columenq; togatis:
Hic quia tractantur permagna negotia rerum,
Dicitur à varijs quàm maxima Curia curis.
Hic quoque festa dies præbet convivia lauta,
Hospitibusque dapes solemniter more paratas.
Implentur lapidæ carnis, pinguisque farinæ,
Delibant pateras, cyathis et vina coronant.
Vix aliquis credat, nisi qui gustaverit ipse:
Quando quidem pariter peregrinis mensa supersit,
Fermè onerata cibus, verum moderata Falerno.
Mente Deo gratus, devotus et Urbis honori,
Regales epulas dic, quisquis es ore rotundo,
Quas non suppeditat vulgò commune macellum.

Hospitibus tandem, dapibus, mensisque remotis,
Mox sacra Consul adit Paulini limina Templi,
Cum reliquis Patriæ Tribubus, Sociisque laborum.
Hic ubi supplicibus placarè Numina votis,
Auxiliumque Dei cælestis dogmate verbi
Senserit, ad proprias facibus deducitur ædes,
Concursu Populi, Sociorum astantibus alis.

Solvuntur placidis abstrusa emblemata griphis,
Pegmata quæ lepidis dederant lustranda cothurnis.

Post varios plausus, spectacula, gaudia, risus,
Quisqûe lares repetit, noctisqûe sopore gravatus
Luminibus gratam captat per membra quietem.

Sed Patriæ Patri moles onerosa laborum
Incumbit de mane novo, totumqûe per annum,
Quos vigili curâ, velut Urbis ahenea Turris,
Herculeis humeris sustentat Regius Atlas.

Ad Londinum,

Britanniarum epitomen & ocellum.

Nympha Britannorum Regali Sede decora,
Totius & Regni Nobilitate Caput:
Quicquid habet sparsim pelago circumfluit Orbis,
Tu retines Patria, Cynthia grata, sinu.
Te tuus irradiat Sol, & tot Sidera Gentis,
Clerus & ad cælos fert Pietate facem.
Iustitia summum patet in te cuiqûe tribunal,
Iuridicumqûe, ampla, nota theatra, Domus.
Ordo Magistratum stabilis cæu cardine postes,
Dum capiti præstant singula membra decus.
Emporium cunctas profert Mercator ad oras,
Mercis suasqûe, refert pontus & aura rates.
Viribus alma tuos socias Concordia Cives,
Educat & fortes Pallas ad arma Viros.
Sic vigeas felix Magno sub Rege Britannis,
Floreas ut tantis insula tota bonis.

De celeberrima & florentissima.

TRINO BANTIADOS AUGUSTÆ

Civitate,

PRÆTORI REGIO,

Senatui, Populoquē.

S Alve Sancta Parens Regum, Trinobantias *alma*,
Clara, antiqua, nitens, dives, amœna, potens!

V R B S *decus* Europæ, Mundi *melioris Imago*,
Quid valeat Merx, Ars, Vis, Mare, Terra, doces!

Quicquid habet Luxus, quicquid desiderat Vfus,
Proveniunt velis Dona beata tuis.

Sectile deliciis Ebur India mittit, & Aurum,
India ditando lassâ ministra Tago!

Brasilia Argentum, Babylon Aulæa, Sabæus
Thura, Palæstinus Balsama, Thraces Equos,
Cinnama Persis, Arabs Zibethum, Corsica Gemmas,

Ida Metalla, Satum Gargara, Creta Merum,
Ægyptus Calamos, Ostrum Tyros, Æra Corinthos,
Vellera Ser, Attis dulce Mel, Arma Chalybs:

Marmora dat Maculosa Chios, Liventia Lesbos,
Alba Paros, Nigra Lybs, Versicolora Thafos,

Picturata Paphos, Guttataquè Thebaïs Auro,
Angue sit Ophites, Vngue notatus Onyx.
Quicquid habet vari Memphis, Preciuvè Marocco,
 Metropolis BRITONVM vendicat omne suum :
Quas Tagus, Hermus opes, quas fert Pactolus, ab undis
Pleniùs, et plures, cernimus ire tuis :
Te Thamesis, tua dum spectat Regalia Teda,
Sapè retardatis dulcè salutat Aquis,
Bisquè die refluxo blanditur amœnior Æstu,
Fertquè refertquè tuas, TROIA Novella, Rates.
Hic emitur nummis ingens, hic venditur Orbis,
Tot proprias Dotes, quot loca Mundus, habes.
Mole novâ exultas, BEDFORDI Mole superbis,
Moles finitimis invidiosa locis.
Templa DEI Spatiofa novas, celebrabitur Orbe
Majestas Operis Turre præalta gravi.
Templum Ephesi Circis, ite Amphitheatra Colossis,
Mausolæa Tholis, Pyramidesquè Pharis.
Nobilis Vrbs Venetùm, vitreo circumflua Ponto,
Divite munitas Gurgite laudet opes ;
Splendida solertes ditet Florentia Cives,
Romaquè, Mitratae Scena Cohortis, ovet ;

Se Mediolanum jactet ; Verona vire scat ;*
Vinum Lovanium ; vina* Vienna sonet ;*
Sis, Augusta, Ducum, Regum locus, imò Deorum,
Cæsaris A V G V S T I Robore celsa tui ;
Quæ Caput in mediis Vrbs fertilis erigit uvis
Bacchara, se à Baccho Nomen habere ferat ;
Sit Iove Creta Potens, Famosa ab Apolline Delphos,
Mars Rhodopen ornet, Delia Delon amet ;
Nostra sed omniferum subrides Munere Divum
V R B S, Tibi sit spacium Laudis, ut Orbis, idem.
Qui numerosa videt, nemorosa Suburbia dicet,
Orbis, an Vrbs extes ? Vrbs typus Orbis ades !
Mercibus omnigenis, et Bellis apta gerendis,
Filia Mercurij, Pallade digna Soror ;
Quæquè Puella Charis, Mars. Crvis, Iupiter ipse
R E X T V V S, et Iuno R E G I A N V P T A, nitet.
Mulciber Artificum fornaces, Disquè Metalla,
Herbida Prata Dryas; Cærule Nais Aquas ;
Spicea Sertæ Ceres, Cultasquè Minerva dat Artes,
Phœbus alit Vates, Iura dat æqua Themis.
Annulus est Orbis, vastiquè sit Annulus Orbis
Anglia, sis Anglis splendida G E M M A Tuus :

Florida

Solvuntur placidis abstrusa emblemata griphis,
Pegmata quæ lepidis dederant lustranda cothurnis.

Post varios plausus, spectacula, gaudia, risus,
Quisq; lares repetit, noctisq; sopore gravatus
Luminibus gratam captat per membra quietem.

Sed Patriæ Patri moles onerosa laborum
Incumbit de mane novo, totumq; per annum,
Quos vigili curâ, velut Urbis ahenea Turris,
Herculeis humeris sustentat Regius Atlas.

Ad Londinum,

Britanniarum epitomen & ocellum.

Nympha Britannorum Regali Sede decora,
Totius & Regni Nobilitate Caput:
Quicquid habet sparsim pelago circumfluit Orbis,
Tu retines Patrio, Cynthia grata, sinu.
Te tuus irradiat Sol, & tot Sidera Gentis,
Clerus & ad cælos fert Pietate facem.
Iustitia summum patet in te cuiq; tribunal,
Iuridicumq; ampla, nota theatra, Domus.
Ordo Magistratum stabilis cæu cardine posset,
Dum capiti præstant singula membra decus.
Emporium cunctas profert Mercator ad oras,
Mercis suasq; refert pontus & aura rates.
Viribus alma tuos socias Concordia Cives,
Educat & fortes Pallas ad arma Viros.
Sic vigeas felix Magno sub Rege Britannis,
Floreas ut tantis insula tota bonis.

De celeberrima & florentissima.

TRINO BANTIADOS AUGUSTÆ

Civitate,

PRAETORI REGIO,

Senatui, Populoque.

S Alve Sancta Parens Regum, Trinobantias *alma*,
Clara, antiqua, nitens, dives, amœna, potens!

V RBS *decus* Europæ, Mundi *melioris Imago*,
Quid valeat Merx, Ars, Vis, Mare, Terra, doces!
Quicquid habet Luxus, quicquid desiderat Vsus,
Proveniunt velis Dona beata tuis.

Secile deliciis Ebur India mittit, & Aurum,
India ditando lassâ ministra Tago!

Brasilia Argentum, Babylon Aulæa, Sabæus
Thura, Palæstinus Balsama, Thraces Equos,
Cinnama Persis, Arabs Zibethum, Corsica Gemmas,
Ida Metalla, Satum Gargara, Creta Merum,
Ægyptus Calamos, Ostrum Tyros, Æra Corinthos,
Vellera Ser, Attis dulce Mel, Arma Chalybs:
Marmora dat Maculosa Chios, Liventia Lesbos,
Alba Paros, Nigra Lybs, Versicolora Thasos,

*Picturata Paphos, Guttataquè Thebaïs Auro,
 Angue sit Ophites, Vngue notatus Onyx.
 Quicquid habet rari Memphis, Preciùvè Marocco,
 Metropolis BRITONVM vendicat omne suum :
 Quas Tagus, Hermus opes, quas fert Pactolus, ab undis
 Plenius, et plures, cernimus ire tuis :
 Te Thamesis, tua dum spectat Regalia Tecta,
 Sæpè retardatis dulcè salutat Aquis,
 Bisquè die refluxo blanditur amœnior Æstu,
 Fertquè refertquè tuas, TROIA Novella, Rates.
 Hic emitur nummis ingens, hinc venditur Orbis,
 Tot proprias Dotes, quot loca Mundus, habes.
 Mole novâ exultas, BEDFORDI Mole superbis,
 Moles finitimis invidiosa locis.
 Templa DEI Spatioſa novas, celebrabitur Orbe
 Majestas Operis Turre præalta gravi.
 Templum Ephesi Circus, ite Amphitheatra Colossis,
 Mausolæa Tholis, Pyramidesquè Pharis.
 Nobilis Vrbs Venetùm, vitreo circumflua Ponto,
 Divite munitas Gurgite laudet opes ;
 Splendida solertes ditet Florentia Cives,
 Romaquè, Mitratæ Scena Cohortis, ovet ;*

Se Mediolanum jactet ; Verona vire scat ;*
Vinum Lovanium ; vina* Vienna sonet ;*
Sis, Augusta, Ducum, Regum locus, imò Deorum,
Cæsaris AVGVSTI Robore celsa tui ;
Quæ Caput in mediis Vrbs fertilis erigit urvis
Bacchara, se à Baccho Nomen habere ferat ;
Sit Iove Creta Potens, Famosa ab Apolline Delphos,
Mars Rhodopen ornet, Delia Delon amet ;
Nostra sed omniferum subrides Munere Divum
VRBS, Tibi sit spacium Laudis, ut Orbis, idem.
Qui numerosa videt, nemorosa Suburbia dicet,
Orbis, an Vrbs extes ? Vrbs typus Orbis ades !
Mercibus omnigenis, et Bellis apta gerendis,
Filia Mercurij, Pallade digna Soror ;
Quæquè Puella Charis, Mars-Civis, Iupiter ipse
REXTVVS, et Iuno REGIA NVPTA, nitet.
Mulciber Artificum fornaces, Disquè Metalla,
Herbida Prata Dryas, Cærule Nais Aquas ;
Spicea Serta Ceres, Cultasquè Minerva dat Artes,
Phœbus alit Vates, Iura dat æqua Themis.
Annulus est Orbis, vastiquè sit Annulus Orbis
Anglia, sis Anglis splendida GEMMA Tuis :

• En ed. Malom.
 • Vinum alo.
 • En vina.

Florida

Florida Pace, Vetus Sede, Ebria Mercibus, Vndans
Quæstibus, Exultans PRINCIPLE, Classe Valens,
Clara Viris, Spatiosa Viis, Speciosa Plataeis,
Cive Superba, Scholis Culta, Diserta Sophis,
Stannea Aquis, Ærata Focis, Argentea Mensis,
Aurea Divitiis, Gemmea Deliciis,
Regia Concilio, Oceani Regina, Senatus
Imperii, Celebris Fascibus, Arce Tumens,
Fons Legum, Portus Peregrinûm, Vatis Asylum,
Æde Beata, Fide Pura, Decora Lare,
Vrbium Apex, REGUM Nutrix, Procerumq; Creatrix,
Iuris Amor, Medicûm Splendor, Equestris Honor,
Dives Opum, Europæ Emporiû, Microcosmos honorum,
Læta Situ, Factis Inclÿta, Marte Potens,
Naturæ Exemplar, Famæ Stupor, Arbitra Mundi,
Apta Salo, Cœlo Grata, Benigna Solo.

Tam mihi NYMPHA places ac ipsa Placentia; verûm
Ipse Placentinus ne videar, Taceo!

Edvardus Benlowes Armiger,
 Turma Equestris in Comitatu
 Essexiæ Præfectus.